

欽定剿平三省邪匪方略

欽定剿平三省列匪方略正編卷二百七十七

辛酉年

十月初一日

甲辰

陸有仁奏言連日探得高見奇

魏棒棒姚馨佐等股賊匪總在靈美南鄭南江
交界奔竄分合無定額勒登保督同楊遇春慶
成等帶兵馳剿在九角山沙壩一帶追及賊尾
殲獲多名賊匪翻林向中靖竄逸官兵緊蹙窮
迫並令慶溥永明分駐南鄭寧羌邊界以扼其

折竄之路又另有分股之賊竄近南鄭哨風樓卡隘因各寨鄉勇堵禦嚴密旋即折回南江其西鄉境內張添倫等餘匪數百人經格布舍楊芳等於景家坪一帶截剿擒殲一百餘人並逼至西河水漲之處淹斃多名餘匪奔竄錢家山官兵跟蹤追往至安康平利洵陽一帶零星股匪現經總兵穆克登布等分投剿辦各該縣復

親帶鄉勇截剿當可逐漸殲除並蒞提督七十
五各會現奉德楞泰派令帶兵由川入陝卽向
安康平利等處進剿臣查現在各股賊匪實已
零星殘敗不難悉數掃除此時漢江南北各寨
勇經地方官勸諭守禦甚嚴糧食俱歸寨上賊
到無可搶掠屈指仲冬當可戡定所有各路糧
餉隨地隨時設法運供不致稍有缺悞再寧陝

鎮應設額兵六千名前經臣會同長麟奏明擬

俟凱旋後於各營未經出征兵丁及隨征鄉勇
內按兵六勇四相間挑派補額旋奉

諭旨令卽設法經理足數以杜賊匪復入之路彼時
因山內尚有賊匪奔竄居民或遷徙他處結寨
自守難以招募當經額勒登保於隨征兵勇內
抽撥山西陝甘兵丁及通判雒昂等所帶鄉勇

共六千餘名_此補山內防兵之數此時山內業已肅清居民漸次復業亟應廣爲招募足數並抽調各營存剩兵丁以便替出暫派入山之各路征兵仍歸原營調遣

臣

現已一面咨行鎮將

趕緊招募一面先將雒昂及各將弁所帶鄉勇統交總兵劉之仁就近逐加挑選此等鄉勇多係山內居民一經挑派入伍既可差操防守又

能兼顧其家自不致有旋募旋逃之事其有距
家較遠不願在山食糧者卽帶至漢中分別遠
近資遣安業奏入

上命軍機大臣傳諭陞有仁曰陝省南鄭邊界一帶
分竄賊匪經額勒登保督同楊遇春等領兵追剿
指日卽可殲除其格布舍穆克登布等在西鄭安
康等處分投進剿零星股匪俱有斬獲尙俱未據

額勒登保等奏到現在七十五帶兵六千餘名由
川馳赴安康平利一帶進剿該省軍需糧餉更關
緊要陸有仁惟應督飭屬員隨時隨地源源接濟
不可稍有缺乏至所奏挑派鄉勇補足寧陝鎮應
設兵額一節此項應添兵額與其招募窮民自不
若卽將隨征鄉勇量加挑選伊等年來久隨官兵
打仗又熟悉山內路徑一經入伍食糧學習當差

自更可資得力該撫務當咨令總兵劉之仁於寧
陝鎮應添兵額上緊招募俾舊勇挑作新兵勤加
訓練於差操防守兩有神益此亦安置鄉勇之一
法也

初三日丙午額勒登保奏言臣於十五日督率楊

遇春慶成等由梅子坪一帶進剿追及賊尾楊
遇春慶成各帶官兵由兩傍山林搜剿有伏賊

從林中突出持矛抗拒我軍鎗箭並發斃二
三十人賊不能支各向林箐分竄楊遇春慶成
等率兵趕殺斃賊百餘人生擒四十五名訊據
獲賊雷四林供稱賊匪大隊先已由中壩老林
奔竄尙留矛手數百人於樹林叢雜處埋伏意
欲待大軍過後衝出劫奪鍋帳騾馬仍西向寧
廣地方奔逃等語均係矛手概行正法次日卽

派遊擊劉健標王兆龍帶領兵勇從中壩跟蹤
搜剿_上率師由沙河壩趙桂河穿越深林顧住

寧廣地界截擊於十八日追至元山子該匪復
向東逃遁正在督率趕辦途次接據格布舍副
將楊芳應元寬等報稱連日帶領兵勇從梨壩
跟追至通江之景家營冒雨進剿殺賊一百四
十餘名生擒六十四名更有滾岩落河淹斃者

獲犯內有偽副帥張良熙先鋒馬德清劉奇三名訊係張添倫股內零匪前被官兵於陝境連次剿殺後張添倫僅剩二百餘人逃至大坪地方與張世龍股內零匪並各處逃散之人湊合共有六七百人聞大兵已向西去遂乘空逃入陝境因安康一帶皆有官兵不敢過去現欲由西鄉奔往南鄭一帶不料又有官兵到來剿殺

訊明後分別辦理餘匪等復由南河口柳林溪
先後西竄楊芳同侍衛傅陞等帶兵跟蹤追擊
格布舍應元寬等帶兵在空山壩搜剿伏匿零
匪并防該匪折竄之路二十日臣所追之高姚
等匪由麻柳灣東竄桂門關一帶適傅陞楊芳
一路兵勇已至南江之灰灘營嘴崖等處距賊
匪所竄之桂門關一帶已近傅陞楊芳等遂挑

帶兵勇乘夜暗襲賊。賊匪亂竄。兵勇分路掩殺。至天明時。共殺賊一百餘人。生擒六十餘人。賊衆由黃連壩趙家坪處竄向通江地界。

臣

添派副將張瑗蕭福祿等帶領兵勇趕赴楊芳等一路緊躡賊蹤。併力追剿。維時張添倫賊匪二三百人。又竄入南江老林。由大壩魚尖壩西遁。

臣

卽派慶成帶領原兵由三溪口抄龍神殿

趕剿

臣

仍率同楊遇春由沙壩溪顧住西北進

發二十一日高姚賊匪由罐子嶺東奔又值格

布舍應元寬等由空山壩前進偵知賊匪東竄

卽帶領兵勇從西溝截出於高莊一帶迎剿該

匪竄上兩旁山梁格布舍率領馬隊由左山梁

抄進應元寬率領步隊由右山梁直上賊匪敗

退乘勢追趕三十餘里殺賊二百餘人生擒一

百三十餘名該匪由陡壁攀援而遁驢馬不能
前進盡用刀矛戮斃填塞道路賊匪翻過山梁
卽下馬家岩北竄東峪河一帶格布舍等將生
擒各犯訊明曾紹元等十七名從賊日久卽行
正法其李勤修等六十餘名被脅日淺給票釋
放仍卽帶兵跟剿次日楊琰張瑗等趕到羅圈
岩距東峪三十餘里於夜半發兵進剿賊匪連

夜遁入後山樓房坪老林蔭匿楊芳等帶兵急
追至樓房坪山梁殲賊五十餘名生擒三十五
名賊匪潰竄後天由亮垭子趕抵皮家坪賊匪
竄佛頭山入海坪一帶楊芳等將獲犯解到

臣

營訊據劉又舉供稱我在黃號股內充當總兵
管領矛手本有一千餘名前與高見奇合夥約
有五六百人又湊合再翻餘黨并各股零匪共

有二千五六百人昨被官兵截剿始入老林連
日到處遇見官兵擒殺甚多並有情急滾崖自
縊及逃散者不少馬騾俱拋棄無存現在只有
一千餘人向老林逃竄等語該犯等俱係正賊
概行正法

臣

因佛頭山路通松坪天平河可由

保耳壩西河口西竄現帶兵勇由碑壩趕抵西
河口扼要攔截并派楊遇春分帶兵勇趕赴五

台子天平河一帶迎頭攔剿

臣

查通南寧廣一

帶邊界深山老林縱橫二三百里窮岩絕壑跬步維艱而蹊徑分歧處處可以通達高姚等股零星賊匪自夏秋以來卽於此輾轉盤折茲

臣

旬日之內督率官兵踰越險阻已將該匪逼向東趨現在連次被剿情急又遁入通江佛頭山一帶或二三百人或一二百人依山傍林晝伏

夜行以爲苟延殘喘之計

臣

現在督率楊遇春

格布舍楊芳等分路剿辦倘遇不能乘騎之處
卽鼓勵兵勇親率步行務將此股賊匪尅期辦
竣或設法轟出林外一鼓撲滅再行籌辦就近
另股奏入

上命軍機大臣傳諭額勒登保曰此次高姚等股賊
匪在南江通江一帶奔竄經額勒登保督率官兵

與格布舍楊芳等先後夾擊共殲擒賊匪九百餘人餘匪被剿情急遁入通江佛頭山一帶額勒登保仍督飭楊遇春格布舍等分路入林上緊剿殺由西北逼向東南務將此股零匪尅日辦竣再行籌辦另股賊匪所見甚是該匪爲數無多潛匿老林冀延殘喘額勒登保惟應飭令兵勇就近剿辦或轟令出山全數殲除不可稍留餘孽

同日吳熊光全保長齡奏言前因各股賊匪竄
出楚界後總在川陝一帶山內奔逃離楚境不
遠而境內剿敗殘匪遁匿荒山老林均須分兵
剿辦當飭總兵孫清元德昌吉林泰王懋賞副
將蔣觀濤各帶兵勇於興山房竹邊隘迎截川
陝賊股臣全保長齡與侍衛呢瑪善等分投搜
剿各處匿匪該匪等四散竄出臣吳熊光督率

各屬激勸寨勇隨同官兵到處攔截各路日有
擒獲數十人十餘人不等房保二竹東北兩路
已就肅清旋據探報龍紹周餘匪奔竄川境後
因德楞泰分兵截剿該匪復於老林內勾結伏
匿之青號王四一股由大寧巫山折回房縣邊
界經副將蔣觀濤於一碗泉毛壩等處截擊該
匪旁竄興山之柵子山又經孫清元截擊該匪

復由興巴一路西遁十六日又竄至房屬九湖
坪經防守陰條嶺之都司陳得文帶兵堵剿該
匪捨命衝突該都司奮力抵剿被傷陣亡外委
汪啟明救護被傷該匪向薛家坪逃遁經川省
官兵抄擊南竄嘯天隴一帶其曾芝秀一股前
經孫清元逼至巴東邊界該匪折回興山希圖
東竄孫清元復帶兵扼截該匪西竄房竹之三

道溝總兵王懋賞副將蔣觀濤率兵截擊該匪
竄向白虎垭一帶未令竄入東北腹地又據探
報陳大麻子等殘匪經臣全保由竹山西界剿
敗後該匪竄至陝省平利河等處與龍八一股
餘匪會合由湖溪竄入竹谿之撰河蘿葡灣一
帶總兵吉林泰率兵迎堵該匪竄入房屬之獐
洛河經侍衛呢瑪善迎頭截剿殺賊八十餘名

生擒頭目廖大海陳士富及散賊劉義元等三十八名餘匪北竄並有龍耳寨首領張選才曹斐林等集勇伏於段樹凹貫溝嶺一處待賊經過殺斃騎馬賊探二名賊奔秦口適臣全保率兵趕到迎頭截擊該匪北竄東南之扁擔溝又經臣長齡自保康一路搜山畢後自東而西率兵兜剿該匪不能下竄已逼向房縣西南一帶

山內現在賊勢雖南路較西路爲重但陝省邊境尙有零匪數股往來窺伺是二竹所駐官兵未便據行抽調

臣

等通盤熟商除欽遵

諭旨分飭各州縣凡有寨落處所卽激勸寨勇協力攔截外其深山老林居民鮮少之地練習鄉勇隨同壯健兵丁深入搜剿庶無患匪徒分匿肆逸可期日逐殲除共能將分竄之匪還歸一路

更得與川省官兵聚而剿洗所有獲賊廖大海
陳士富二名訊係頭目其餘劉義元等三十六
名多係川省積慣矛手訊明後分別正法梟示
奏人

上命軍機大臣傳諭吳熊光全保長齡曰楚省興山
房竹一帶分竄零星股匪經吳熊光等督飭各路
官兵顧住東北分投截剿均已逼向西南不致擾

及腹地該省東北兩路不日即可肅清但興山等處邊境與川陝在在毗連吳熊光等尤應嚴飭鎮將卽在楚境將各股餘匪上緊剿淨否則亦須逼回川陝俾額勒登保等合兵痛剿一鼓殲擒斷不可再令竄回楚界王都司陳得文被傷陣亡著加恩咨部賜卹

初四日丁德榜奏言竊臣督同色爾滾等由

青池堽前進探得龍逆等四門知與山獨木崖有
總兵孫清元之兵折向瓦土小泡南逃將經過偏
橋盡行折毀副將李應貴亦將馬應國馬濟等
帶領步隊兵勇隨修隨進該逆又由柵子山鑽
入老林臣當卽飭知孫清元帶兵由解家壩堵
截令李應貴等帶兵勇五百名步行入林或爲
夾擊或卽轟出賽冲阿溫春馬瑜蒲尙佐侍衛

富僧德協領穆騰額等帶馬步隊由西北抄出
水田坪_上督同色爾滾侍衛達勒精阿遊擊張

應貴馬文斌等帶兵向東北探剿十二日賽冲
阿等由水田坪而來又爲溪漲所阻賊又翻山
走鋸鋸嶺向左手三崖遁去李應貴等追至小
乾河有逃出難民吳德綸等四名俱係難民卽
行省釋查三崖頭係巴東堆子場之路而堆子

場左走平陽三壩右走下貴坪中走石磨老林
若入川境則必由相思嶺陰條嶺一帶竄逃當
卽札飭各該卡隘堵截賽冲阿等連夜趕搭橋
成次早渡訖

臣

令色爾滾等由郭公坪趕出堆

子場分路截住東面之火峯界嶺老林行抵麻
線坪卽有賊匪一百二三十人正出溝口當經
馬步兵勇衝進溝內因兩山壁立別無路徑賊

衆拚死直奔追殺二十餘里殺賊七十人生擒
李懋華等五十三名止逃去十數人訊係線字
號殘匪除劉長發等十三名係被擄難民省釋
外餘係賊匪均卽梟首十四日李應貴差報龍
逆等又由關廟坵躡渡楊家河恐該逆竄出巴
東之前口蹇冲阿等卽由下貴坪取道唐家渡
乘漲渡河衝去兵夫數名繞至前口李應貴等

探得龍逆與黃號賊股尙在茅坪避雨出其不
意卽帶兵勇由茶垵子一直撲入賊營賊衆紛
紛潰逃李應貴馬應國馬濟李應元帶同守備
熊敏謙龍必達千總史定川馮正朝藍翎鄉勇
首謝金章分投追殺立斃賊八十餘名生擒胡
世貴等六十五名追至鴨子溪有賊目手執大
旗率衆回撲經千總史定川用矛戳死兵勇力

剿殺賊三十餘名各逆逃過溪河淹斃四五十人兵勇亦有傷亡者餘匪向老樹觀遁去訊據獲犯內有龍逆先鋒胡世貴黃號總兵徐懃倫又於屍內認出龍紹周之弟龍紹華首級一顆一面將獲犯解營一面過溪跟蹤賊匪向赤口坵關田逃竄並飛札駐紮羅坪之遊擊孫效前同知尹英圖帶兵截堵賽冲阿等抄出關垭子

接據探報東西寨老林內有被官兵打散賊匪
百餘人潛匿賽冲阿溫春色爾滾等帶馬隊由
小坪前進馬瑜蒲尙佐等帶步兵由老木孔入
山搜剿果有伏賊八九十人當被我兵殺斃四
五十名生擒曹興仁等三十四名隨據活賊龐
思懷高永慶等於獲犯內指出龍逆胞弟龍紹
海一名訊明後隨卽斃割其餘獲犯均係日久

戰手一併正法惟僞先鋒總兵胡世貴徐惻倫
二名情愿告懇戴罪立功情詞似屬真切當令
其隨同前敵以備臨陣指認首逆旋報賊由石
磨折回非入相思嶺烏雲頂老林卽向百福坪
七楊壩走房縣之路賽冲阿馬瑜蒲尙佐由黃
溪繞出相思嶺溫春色爾滾等由七楊壩走順
水溪十五日行次龍洞河忽有一股賊匪由龍

門河竄來

臣

督同賽冲阿溫春色爾滾馬瑜蒲

尙佐等各帶馬步兵勇分投迎剿賊卽折回直

追至馬湖崖地方沿途斃賊一百餘名生擒姜

維漢等五十一名餘匪向陰峪河遁去訊據活

賊供係曾芝秀王惻賢股匪均係矛手一併斬

訖

臣

等仍分兩路前進據李應貴等稟報龍逆

逃至後坪分爲兩起一竄牛廠一向筲箕垌十

六日趕抵巫山縣屬之東坪接據孫清元稟報
帶兵已至平陽三壩扼截賊匪遂不敢東竄又
向巫山之夜叉崖而遁勢已逼入川境

臣當卽

飛札孫清元帶兵卽赴木瓜溪堵剿折竄之路
賽冲阿等由斑鳩石至檬子崖探得龍逆於十
五日夜偷破湖北五磴子鄉勇卡監竄至九湖
攻撲守備陳得文營卡該備力戰陣亡兵勇內

亦有受傷陣亡者數十名遂由嘯天隴翻山走
竹山之南坪山老林走紅茶園路通竹山之向
家壩么姑峽紅坪馬鬃嶺等處賽冲阿溫春色
爾滾馬瑜蒲尙佐由乾溪坪長池壩分路究問
臣擬卽山蕭家坡茅古坪前進查龍逆又與線
字號及王惲賢等匪會合除疊次殲擒外所餘
賊匪不過二百餘人現向百丈山老林西逃該

處又通楚之二竹五里堽葛藤口左走雞心嶺
卽入川之二郎壩至川楚界上已無大股賊匪
惟曾王二逆尙有敗殘匪衆數百原係孫清元
等剿辦現在潛匿楚境老山之中上已飛札嚴

飭孫清元等卽帶步隊進山剿辦務期趁勢殲
滅不可以追逐出境遂爲了事又據太平城口
主簿趙炳然差稟奉派勸令各寨團勇堵禦

竄匪或行截殺或經擒斬自十數人至二三十
人不等俱已稟請獎賞茲於八月二十八九等
日有由黃墩竄來賊匪八九百人在柴家山牛
星總一帶滋擾屯於木瓦屋內相距修基壩四
五十里趙炳然卽密諭附近之粉壁寨柴家寨
各派團勇一百名自帶鄉勇二百名率領軍功
領首寨首熊濟崑陳占魁張國相侯化仁熊起

鳳袁勇等前往剿殺恐與賊匪混淆并恐驚賊
竄走不許吶喊遂暗立太平有慶四字爲號賊
太應平喊有答慶以便分別二十九日夜齊集
候至四更時分繞至賊所一面令健勇潛入賊
巢一面派團勇將各路口埋伏截殺賊匪全不
知變團勇突入立殺賊匪甚多有逃出者又被
各路口伏勇堵殺救出被縛民人十七名婦女

二十四名口訊據難民稱係唐逆分出賊股令於賊屍內指出僞元帥張世麟一名僞先鋒萬雲星魏懷儒二名探馬頭吳姓一名

臣

卽發去賞項銀二

百兩五錢重銀牌五十面批飭該主簿查明分賞

德楞泰又奏言

臣

原帶兵勇六千餘員名入秋

以來旋轉老山之中連旬靈雨又值瘟疫盛行前在太平山內患病之滿漢員弁兵勇前後共

有二十餘人派員護送太平縣城訓治近接該署令鍾蟠雲稟報病痊者甚多其有尙未痊愈及成痼疾者

臣

遵卽查明遣回營旗以示體恤而節糜費斯時存營之兵尙有四千餘名

旋又追賊往來楚省界上沿途陸續患病寄養者千餘人已送大寧醫治現在營內馬步官兵不過三千餘名興房巫大在在老山箐

林龍逆餘孽現只有二百餘人盤旋倏忽竟有
晝夜奔走二百里之時奮勇步兵尙能追躡馬
力實在難支且員弁兵勇俱皆單衣跋涉原期
迅疾掃除不料逆賊狡猾已極秋深寒冷雨露
奔馳亦形疲乏臣日夜思維若全隊兵馬分投
兜截被其牽綴徒勞無濟該逆現在竄向川楚
未定查高魏等股賊匪有竄往沔畧之勢經畧

額勒登保已督率全軍回陝趕緊截剿勒保又
已督兵自隣水剿辦湯劉等股賊匪兼顧江岸
川北現無兵力七十五亦已過陝追截苟辛戴
四等賊股倘龍逆竄楚

臣

若仍督全隊追剿不

但川楚陝界上無兵卽川東川北俱形空虛况
太平大寧奉節雲陽一帶與楚陝犬牙相錯等
林老山零星賊蹤散漫飄忽者不少務須逐一

掃淨員弁兵勇無衣無褐前因勒保捐銀二千

兩差弁送來賞兵

臣

當差員赴夔州府將此項

銀兩趕製綿衣並飛調太平病痊員弁兵勇及

所貯各營一切軍裝等項來營又查二竹邊界

一帶現有總兵德昌吉林泰帶兵設卡防堵聲

勢聯絡倘龍逆或入楚疆

臣

卽令溫春色爾滾

蒲尙佐等帶領馬步兵勇一千餘名緊躡賊蹤

與德昌吉林泰兩面夾擊臣尚有存營兵馬二千餘名不但就近搜捕界上各餘孽卽有大股賊匪亦不過一二千人足數剿辦俟太平兵馬到來整頓妥協再看何處緊要卽行移師前進均奏入

上命軍機大臣傳諭德楞泰曰此次龍逆等股在興山一帶分竄德楞泰督同賽冲阿溫春等冒雨進

攻先後殲擒賊匪五六百人並生擒龍逆胞兄龍
紹海等殲斃逆弟龍紹華所辦尙好龍紹周爲逆
事首逆節年在川陝楚奔逃最爲狡猾可惡其妻
子家馬前已拏獲今又將伊兄弟殲擒該逆孑然
一身自知萬無生理斷不肯悔罪投出亦不必示
以招徠該逆此時僅有二百餘人竄往巫山夜叉
崖等處德楞泰現已派令溫春色爾滾蒲尙佐帶

領馬步官兵緊躡追剿務速將龍逆生擒盡法處
治不可捨此就彼總當肅清此股再相度形勢或
幫同七十五剿辦戴國崔胡等逆或至川東幫同
勒保剿辦湯劉等逆如不得已有必須先行移師
剿辦之處亦應遴派妥員責成專辦龍逆一股以
期掃除餘孽然總不若德楞泰一手辦竣之爲愈
也所有首先搶入賊隊截死龍紹華之千總史定

川著加恩卽以守備陞用其太平城口主簿趙炳
然鼓勵寨洞團勇堵禦賊匪殺賊多名著加恩以
應陞之缺陞用

欽定剿平三省邪匪方略正編卷二百七十八

辛酉年

十月初五日

戊申

勒保奏言

臣

於十五日行抵大

竹當將湯劉等逆分兵兜截維時探得賊匪分

竄隣水長壽江北四路紛擾當卽飭令總兵田

朝貴帶兵由隣水一路尾追

臣

率同阿哈保薛

大烈等督兵馳向墊江一帶兜截詎該匪等於

官兵未到之先沿途擄掠百姓被脅同行者甚

多約計賊夥連新裹難民已有四千餘人驟馬
亦驟增至一千餘匹臣遂一面嚴飭張志林永

寧等實力防守一面率阿哈保薛大烈等領兵

由墊江長壽取道兜截十七日午刻行至墊江

之太平鋪該處民人尙在趕集據稱賊蹤尙遠

我兵行過太平鋪五六里忽見居民紛紛上寨

聲稱賊匪將至

臣

遂暫紮該處派令副都統銜

協領達斯呼爾岱委叅領台清阿叅將羅聲皋
遊擊傅廷佐桂涵等挑帶馬步官兵先進適遇
騎馬賊匪四五十人帶同步賊一二百人向墊
江大路而來達斯呼爾岱等向前圍捕先將旗
手一名箭射落馬該匪卽行折回我兵趕緊掩
殺斃賊八十餘名生擒十九名趕過登溪舖又
殺賊二三十名生擒十五名餘匪已經遠竄當

將活賊滕于紹等查訊據供此股係湯劉張三
姓元帥自湖北轉回四川又被官兵打敗逃在
太平山內旋在八臺山地方有青號二百餘人
前來合夥聽得川省官兵一路在南江老林遂
商議從東鄉達州大竹隣水一帶要到川西又
聽說沿江防守甚嚴現在墊江隣水江北長壽
各路分設擄人等語均係戰手概行正法

臣當

卽令阿哈保薛大烈帶領兵勇由墊江梁山取
道從東逼剿并飭田朝貴帶領兵勇由江北長
壽取道從西逼剿

臣

由大竹中路進發該匪等

望達州奔竄我兵分路兜截十八九等日探聞
賊匪已歸併一路

臣

卽與阿哈保薛大烈等會

合前進二十一日巳刻至達州所屬之瓦硎子
探得前隊賊匪百餘人由魏家溝竄至盧硎寺

河邊阿哈保薛大烈卽督兵馳擊立斃賊匪二
十餘名生擒十六名餘賊跣淺過河當派副將
海常都司薛陞追趕

臣

督率阿哈保薛大烈率

領達斯呼爾岱台清阿防禦薩靈阿副將張績
叅將羅聲臯蕭鳳來遊擊傅廷佐桂涵晉之璉
都司張拱辰守備馬明德等大隊兵勇由盧祠
寺進魏家溝望見賊匪大夥在前多係空手知

孫新表難民遂令官兵鄉勇向前高聲喊叫爾等被裏良民速行逃出當見各難民紛紛四散不下千人

臣

卽分兵追殺賊匪一路自魏家溝

追過石板場倒塌乾溪子一路自大埡口追過蓮花菴板橋埡一路自張家壩追過響水碓大樹坪共殺賊四百三四十名生擒一百九名逃散難民復有八九百人餘匪向東鄉一路竄去

臣提訊活賊內有僞先鋒王登級大旗手張思祿及戰手吳泳太等六十七名概行正法其餘被脅未久之唐文甲周項氏等四十二名口俱卽遞籍安插查此次賊匪由太平乘虛突出幸仗

聖主天威分路兜截不日以暇該匪等旣未能窺伺江岸又不能久在腹地肆擾統計前後擒斬賊

匪五六百名散出新襄難民不下二千餘名該
匪敗殘東竄雖尙有二千人其中新被裹脅者
居多卽日趕上接仗自可聞風瓦解刻下賊夥
向東奔逃有仍入太平之勢其梁山墊江長壽
江北隣水大竹達州等處均已肅清誠恐尙有
打散零匪潛匿林箐當令阿哈保薛大烈帶領
大隊兵勇先行緊躡追剿

臣

酌留兵勇趕緊分

投搜捕淨盡卽行跟蹤繼進至李彬股匪現聞
竄至通江絲蘿壩一帶地方并魏逆餘匪二三
百人尙在通江邊界遊奕且聞齊家營并高二
餘匪經慶成慶溥永明等由寧羌西北一帶兜
剿經署額勒登保亦在該境督辦該匪現在折
入川陝邊界老林亦恐剿急竄川此時川北兵
備空虛臣又不能分身兼顧是以酌派田朝貴

管領原帶兵勇前往川北在道南一帶會同候
補道劉清相機堵截陝匪如果入川經畧額勒
登保自必派兵緊躡前來亦可收兩面夾攻之
效再接據候補道劉清稟稱該道會同遊擊陳
弼在南江李家寨地方適有李彬股內偽總兵
李元受差令夥賊何潮文至寨密稟情愿受撫
本月十一日李元受卽帶領賊營頭領雷仕榮

等十九名前來懇求免罪該道等收留在寨令
其寄信賊營陸續招出男婦共一百八十七名
口其餘自行逃散者甚多等語臣現在飛飭該
道等將首先投出之李元受等優加獎賞再令
轉向傳述設法招徠以散賊黨

勒保又奏言查此次教匪不法蔓延數省其起
事之始賊勢猖獗故各地方官紛紛招募鄉勇

以資防守爲數不下三十餘萬深慮費用浩繁
陸續散遣者已屬不少嗣因賊過嘉陵江並過
潼河川西川南一帶州縣亦俱招募鄉勇數又
加增自官兵將賊剿敗逼回川北其川西川南
各州縣新招鄉勇除酌留防江外其餘全行裁
撤上年夏秋以後官兵連得勝仗賊勢漸衰

臣

復通飭川東川北各州縣酌量情形將鄉勇內

可以裁撤者卽行全裁可以歸團者卽行歸團
其勢難裁撤又不能歸團者酌留防禦其與甘
省接壤各要隘亦令察看情形分別裁撤其所
裁各處鄉勇均經臣飭令地方文武隨時收回
器械遣令歸農目下所存征防鄉勇通共僅有
二萬餘名較之臣初到川省時不及十分之一
數年來從未聞鄉勇被裁滋事指日大功告竣

現在鄉勇只須照前裁撤尙無掣肘難辦之處
似毋庸另立章程轉滋紛擾至各州縣團練係
本地居民爲本地防守均屬有業之人事竣後
更無慮其流蕩無依惟隨征鄉勇出力多年論
功本應錄用技藝嫻習散之亦覺可惜當於撤
兵時卽令管領之將官逐細面詢如果有業可
歸情愿回籍者卽立時收繳鎗矛酌給盤費以

糧路票遣令還鄉並飭令地方官妥爲安置若
無業可歸不能回籍者查將來善後事宜內本
須籌議添設營制所添兵額卽將此項鄉勇作
爲新兵收伍食糧如人多額少一時不能全補
卽將餘剩鄉勇分各標營作爲餘丁遇有名糧
缺出隨時挑補是征勇一項亦不虞其難爲安
插均奏入

上命軍機大臣傳諭勒保曰此次湯劉等逆由達州
一帶奔竄經勒保督領鎮將連夜追擊共殲斃賊
匪五六百名其中新被裹脅難民解散投出者不
下二千餘名所辦尙好該逆等前在太平山內潛
竄祇有一千三四百人到處裹脅聚至四千五六
百人幾成大股今勒保奮力剿捕不予以暇該匪
敗殘東竄核計此股現存賊數仍不及二千人勒

保宜堅持定見專將湯劉股匪剿盡切勿以別股緊要爲詞又復舍而之他此時額勒登保業已馳赴通江進剿高魏姚等股是川北一路已有大兵屯集勒保自可無須兼顧其川東邊界有德楞泰在彼搜捕龍逆亦可藉爲聲援勒保惟當將湯劉等逆上緊趕辦完竣至李彬股內之僞總兵李元受帶領頭人前來投首勒保卽令設法招徠固屬

解散之一法但此等投出賊夥心懷叵測恐係詐
降圖作內應當隨時密爲察看不可輕信如遇打
仗時應令其身衝頭陣以觀其認真殺賊與否如
果真心殺賊再行量爲獎賞否則破其詭計當示
以懲創勿留爲肘腋之患又所奏籌辦征勇一節
與前諭令陸有仁將征勇挑作新兵諭旨適相符
合此等隨征鄉勇出力多年技藝較嫻勒保於大

功告竣後卽將所撤征勇充當新兵此是正辦倘人多額少卽分給各標營作爲餘丁亦無不可

初十日

癸丑

額勒登保奏言

臣

昨截剿高姚等股

賊匪逼向通江境內該匪等竄至佛頭山

臣

督

飭楊遇春格布舍楊芳等官兵分路剿辦詎該

匪分股奔逃一由菩提河一帶東竄一由天平

河一帶向西而來遂令格布舍楊芳應元寬張

瑗蕭福祿各帶兵勇分左右兩路追剿東竄之

賊

臣

率同楊遇春於碑壩沙壩一帶截剿西竄

之賊並剿捕附近零股二十七日楊遇春率領

前隊趕抵沙壩適該匪等二百餘人由黑炭溝

山梁竄至兵勇迎擊斬戮七八十人生擒偽總

兵張洪楊上林等四十六名餘匪亡命逃匿訊

據張洪楊上林等供稱係高見奇股內之賊當

將該犯等凌遲處死餘俱戰手概行正法次日
派撥將弁帶領兵勇于山林中分路搜捕復獲
賊匪二十四名二十九日接據格布舍楊芳等
報稱探得賊匪竄向倒水砦希圖北遁總兵九
十由白雄關帶兵截擊殲擒二十餘名賊匪由
二道梁老林向東遁至馬家壩有繞竄松坪之
勢二十六日格布舍傳陞楊芳應元寬帶領馬

步兵勇由茶園河抄出松樹壩截擊張瑗蕭福
祿侍衛捫欽保等帶領兵勇追至黑祠溝該匪
竄上山梁抗拒張瑗等督率兵勇上攻格布舍
楊芳等又由右面抄上山梁從上壓下殺斃賊
匪一百餘人賊匪潰散山徑陡險各將領棄馬
步行分路趕殺見有賊匪數十人簇擁一賊奪
路奔竄副將張瑗遊擊吳廷剛祝廷彪率領兵

勇趕殺斃賊二十餘人擒獲十數人內有一人
背受箭傷被把總楊陞新勇張朝玉生擒該勇
認係首逆辛斗該逆亦自認不諱該匪等尙剩
二百數十人連夜翻山潛遁次早張瑗蕭福祿
等帶領步隊兵勇由山林轟逼格布舍楊芳等
帶領馬隊官兵由溝內搜剿張瑗蕭福祿一路
兵勇於山林搜殺五十餘名擒獲七十九名內

有兵丁周義鄉勇黃偉和湯榮貴生擒僞先鋒
蔡坤和僞總兵李貴二名餘賊逼下麻池寺格
布舍傅陞楊芳等順溝追殺五十餘里殺斃七
十餘人生擒九十八名內有侍衛德勒奇善前
鋒吉蘭保生擒僞總兵蘇啟志一名外委蒲明
鄉勇李杰生生擒傳教老掌櫃敖正道一名連
日共計殺賊三百餘名獲賊二百餘名此股已

全行掃蕩除將辛斗供詞錄呈

御覽外該逆及蔡坤和李貴敖正道等均飭令凌遲
處死矛手蔣洪明等一百餘人皆卽正法其被
脅未久之王宗周等八十餘名均給票釋放回
籍所有擒獲賊目賊匪之官弁兵勇等亦分別
各予獎賞又據穆克登布桑吉斯塔爾稟報自
帶兵由四季河沿河進剿後九月初七日抵滄

永河探有樊人傑苟文明唐大信及藍白等號
合夥賊匪由漳河坪大石溝花石溝而來穆克
登布與桑吉斯塔爾分帶將弁兵勇赴廟壩子
山梁迎剿偵知賊匪大夥在花石溝屯劄分出
五六百人在廟壩子坡下圍攻民寨卽派委營
總浸巴圖副將伊昌阿遊擊傅廷剛等帶領馬
步兵勇五百餘名覓路繞赴花石溝口堵截賊

匪來路穆克登布桑吉斯塔爾帶領侍衛噶達
鼐遊擊高萬春等及馬步兵勇六百餘名先剿
攻寨之賊該匪卽棄寨逃遁穆克登布與侍衛
將領等督兵掩殺殲斃一百餘人生擒六七十
名該匪逃至花石溝口又經浸巴圖傳廷剛等
截住殲斃數十名生擒二十二名賊匪順溝奔
逃桑吉斯塔爾噶達鼐等帶兵趕剿穆克登布

卽令浸巴圖伊昌阿傳廷剛等進剿花石溝內
賊匪該匪四散飛奔我兵乘勢追殺三十餘里
擒斬一百四十餘名不意山旁樹林內有伏賊
突出將前隊兵勇衝斷穆克登布帶領侍衛馬
隊趕緊上前剿殺將賊擊散復追逐十餘里殺
賊三十餘名當查有黑龍江佐領畢勒敦察委
官湛保遊擊傳廷剛把總張聯成俱中矛傷陣

亡浸巴圖身帶矛傷二處委防禦臯進保乖呼
里驍騎校哲勒格委官岳色納千總呂萬德萬
彪等均受矛石傷兵勇亦傷亡十餘人查此次
殺賊共三百餘人生擒一百一十五名內有偽
先鋒鄧添貴偽總兵楊鳳釐及旗手李朝興李
永治並有寨民拿送僉先鋒鄧士饒等二十三
名均訊明分別凌遲正法次日穆克登布帶兵

蹶蹤緊追該匪遂連夜由界嶺竄回川境一面
飛行札知七十五截剿一面由正陽河平溪河
一帶探剿至張添倫殘匪二百餘人原派慶成
截剿現據探報該匪竄至陝境沿邊之黃廠老
林一帶慶成率領兵勇由麥子坪廟壩一帶截
擊節次亦有斬獲慶博德忠現復扼要堵截定
可克期辦竣

臣

現已將辛斗一股殲除惟高姚

二逆各帶二三百人於通南一帶山箐中分股潛逃又探得魏姓之賊五六百名在廣元山內藏匿均須上緊剿捕現已派令格布舍楊芳等各帶官兵分路探蹤設法搜剿將該匪就地殄滅否則先行逼出老林總期將通南廣元一帶一律肅清再由西向東探剿李彬等各股賊匪再臣昨將獲犯偽總兵楊步青給與告示令其

宣諭解散並派遊擊陳弼帶往交道員劉清署
通江令徐廷鈺設法辦理嗣據該道等稟報業
於八月十七日遣令楊步青尾隨賊夥前往宣
諭旋於九月十一日有賊目僞總兵李元受帶
領探馬頭雷仕榮等十九人到寨跪投訊據供
稱均係王士虎股內之人在松樹壩被官兵打
散卽逃到四川與李彬合夥今有楊步青回來

傳說投出免死又見各處告示黃旗我等就商
同乘賊起竄前後逃出如蒙免死情愿前往將
夥黨一併喚出等語該道等面加獎勵隨令前
往連日招出男婦一百八十名口造冊具報又
據署通江令徐廷鈺稟報有襄陽老教閻天明
帶領四十六人到寨投首供係張添倫股內之
人該縣逐一查詢多係川省民人卽行分別安

置又陝省邊界

臣

前經派令陝安道朱勲在安

康平利一帶督同同知周光裕縣丞呂見順王

世琳等辦理招撫茲先後接據該道稟報陸續

投出龔榮忠韓進文等二百餘名皆分別妥爲

安置等情

臣

現督飭各路將領上緊剿辦庶該

匪震懾兵威悔罪求生較易集事仍飭該道等

將投出之人隨時查明有無家產妥爲安插勿

令失所奏入

上命軍機大臣傳諭額勒登保曰此次辛斗一股賊
匪在倒水砦一帶分投奔竄經額勒登保督率格
布舍楊芳等跟蹤追躡奮力截剿先後斬獲五百
餘人並擒縛首逆及偽總兵蘇啟志等匪辛斗雖
非極惡首逆亦係近來著名之賊茲經官兵併力
截擊將此股全行掃蕩又穆克登布等剿辦英苟

等逆賊擒四百餘人並僞先鋒鄧添貴等二十餘
名所辦俱好其生擒辛斗之把總楊陞著卽以千
總陞用新勇張朝玉著賞給外委頂戴並酌賞銀
兩如伊願入伍卽令其當差以示獎勵此時川省
賊匪大局均已敗殘惟西北有李彬極東則有戴
四崔胡尙在遊奕無人追捕深爲懸念戴四崔胡
一股前經勒保奏七十五入陝剿辦現據額勒登

保札知該提督截剿樊苟等逆其戴四崖胡等股
究係何人剿辦至李彬一股從前在川境奔竄勒
保帶兵督剿現在李彬股匪在通巴一帶逃竄若
不卽爲剿淨必至與高姚等股合夥辦理更爲棘
手額勒登保已至廣元相去較近況所帶鎮將兵
勇亦多著於楊遇春格布舍二人內酌分一人帶
兵往剿務將此股早爲肅清再穆克登布追剿樊

苟等逆伏賊從林內突出猝不及防致黑龍江佐
領畢勒敦察委官湛保遊擊傅廷剛把總張聯成
被傷陣亡俱著咨部賜卹此時大功將次告成帶
兵鎮將等遇山狹林密之處尤宜隨時留心不值
因剿捕零星餘匪致官兵稍有損折總當於奮勉
之中持以慎重又據奏僞總兵李元受帶領探馬
頭雷仕榮等十九名前來投首並招出男婦一百

八十名口等語此事業經勒保奏聞現又據通江縣稟報投出老教閻天明等四十六名及陝安道稟報投出賊夥二百餘名可見賊匪勢已渙散該匪等悔罪求生赦其前罪固屬解散之一法但此等匪犯心懷叵測反覆靡常可不必令其隨同打仗況各股零匪均已敗殘搜捕將盡現在兵威極爲壯盛尙何藉投出賊夥幫同出力惟應明白宣

諭該匪伊等本係罪犯凌遲今貸其一死已屬格外天恩當令各回原籍安靜守法毋得再行滋事並飭令地方官妥爲安插嚴加管束爲要